



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-375-4/25**

Datum: **20.10.2025. godine**

«Agencija za vodno područje rijeke Save» Sarajevo rješavajući po zahtjevu Javnog komunalnog preduzeća «Šćona» d.o.o. Fojnica donošenje rješenja o vodnoj dozvoli za privremeno ispuštanje komunalnih otpadnih voda iz javne kanalizacije užeg urbanog područja općine Fojnica u otvorene vodotoke Dragaču i Šćonu, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE **o vodnoj dozvoli**

1. Daje se vodna dozvola Javnom komunalnom poduzeću «Šćona» d.o.o. Fojnica za privremeno ispuštanje komunalnih otpadnih voda iz javne kanalizacije užeg urbanog područja općine Fojnica u otvorene vodotoke Dragaču i Šćonu. Ova dozvola se odnosi na:
 - Jedan ispust iz glavnog kolektora komunalnih otpadnih voda urbanog područja Fojnice u rijeku Dragaču – Alaupovka, na parceli označenoj kao k.č. br. 1520 K.O. Fojnica, općina Fojnica;
 - Šest kišnih preljeva, čiji su ispusti izvedeni u rijeku Šćonu na parcelama označenom kao „Točilo” k.č. broj 970/2, „Kreso” k.č. broj 618, „Pazarnice” k.č. broj 447 i rijeku Dragaču na parcelama označenom kao Banjski most „Reumal” k.č. broj 373, „Parking igralište” k.č. broj 368 i „Trafo” k.č. broj 1478/1, K.O. Fojnica, općina Fojnica.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se objekti koji čine kanalizacioni sistem Fojnice održavaju u ispravnom i funkcionalnom stanju u skladu sa njihovom namjenom i ovim Rješenjem.
 - 2.2. Da se permanentno radi na razdvajanju postojećeg mješovitog sistema odvodnje otpadnih voda, te da se prilikom izgradnje nove kanalizacione mreže projektuje i izvodi isključivo separadni sistem odvodnje.
 - 2.3. Da se redovno vrši snimanje i kontrola stanja postojeće kanalizacione mreže. Ukoliko postoje ili se snimanjem na terenu uoče nekontrolisani pojedinačni ispusti fekalnih otpadnih voda u prirodne vodotoke, treba što hitnije poduzeti aktivnost da se isti priključe na postojeći glavni gradski kolektor.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to moguće, vrši priključenje objekata na kanalizacionu mrežu.
 - 2.5. Da se redovno vrši održavanje korita rijeka Dragače na mjestu ispusta otpadnih voda iz glavnog kolektora, kao i mjestima kišnih preliva u rijeku Dragaču i rijeku Šćonu.
 - 2.6. Da se, od korisnika prilikom izdavanja odobrenja za priključak na gradsku kanalizacionu mrežu, zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj 26/20).
Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.7. Da se tokom važenja ovog Rješenja obezbijedi redovan monitoring na glavnom ispustu gradskog kolektora na parceli označenoj kao k.č.br. 1520 K.O. Fojnica, općina Fojnica. Monitoring vršiti u skladu sa članom 25. stav (2) Uredbe o uslovima ispuštanja otpadnih

voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).

- 2.8. Da se lokacija budućeg postrojenja za tretman urbanih otpadnih voda sačuva od nelegalne gradnje.
3. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
4. Ispuštanje otpadnih voda u površinske vodotoke ne smije ugrožavati postojeći hemijski i ekološki status recipijenata.
5. Korisnik objekata je obavezan vršiti plaćanje vodne naknade u skladu sa Zakonom o vodama («Službene novine Federacije BiH» broj 70/06) i odredbama propisanim tačkom 34. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16). Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac IV – Mjesečni izvještaj o količini isporučene vode i obračunu EBS – Prilog 4, Pravilnika).
6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
7. U ovoj upravnoj stvari plaćene su sve upravne pristojbe.
8. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.

Obrazloženje

Od strane Javnog komunalnog preduzeće «Šćona» d.o.o. Fojnica, podnesen je ovoj Agenciji zahtjev broj 372/25 od 01.09.2025. godine za izdavanje vodne dozvole za privremeno ispuštanje komunalnih otpadnih voda užeg urbanog područja općine Fojnica u otvorene vodotoke.

U provedenom postupku dostavljena je i pregledana sljedeća dokumentacija:

- Aktuelni izvod iz sudskog registra broj:051-0-RegZ-25-001136 od 23.06.2025. godine, izdat od strane Općinskog suda u Travniku – ovjerena kopija,
- Uvjerenje o registraciji poreznoj obveznika od 14.12.2006. izdato od strane Porezne uprave Kantonalnog poreznog ureda u Novom Travniku - ovjerena kopija,
- Dokaz o uplaćenju upravnoj taksi,
- Rješenje o vodnoj dozvoli, broj: UP-I/25-3-40-397-4/20 od 22.10.2020. godine izdato od strane Agencije za vodno područje rijeke Save, Sarajevo – kopija,
- Izvještaj broj 1651/25 o ispitivanju površinskih voda, Rijeka Dragača poslije ispusta, Fojnica 26.05.2025 godine, „Inspekt RGH“ d.o.o. Sarajevo
- Izvještaj o mikrobiološkom ispitivanju vode broj:2560-1V/25ILTz, voda prije ispusta fekalne kanalizacije od 26.05.2025. godine, „Inspekt RGH“ d.o.o. Sarajevo
- Izvještaj o mikrobiološkom ispitivanju vode broj:2560-2V/25ILTz, voda poslije ispusta fekalne kanalizacije od 26.05.2025. godine, „Inspekt RGH“ d.o.o. Sarajevo
- Opći akt o održavanju, korištenju i osmatranju vodoprivrednih objekata, JKP „Šćona“ d.o.o. Fojnica.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o

sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-I/25-3-40-375-2/25 od 03.10.2020. godine i konstatovano slijedeće:

Postojeći kanalizacioni sistem koji je u funkciji prikupljanja i transporta otpadnih i oborinskih voda je mješovitog tipa što podrazumijeva da se sanitarne i oborinske vode prikupljaju zajedničkim sistemom.

Odvodnja otpadnih i oborinskih voda urbanog područja zasniva se na jednom glavnom kolektoru sa direktnim ispuštanjem u otvoreni vodotok rijeku Dragaču, bez prethodnog tretmana i šest kišnih preljeva sa ispuštanjem u rijeku Šćonu i rijeku Dragaču. JKP „Šćona“ d.o.o. Fojnica posjeduje katastar podzemnih instalacija. Na gradsku kanalizacionu mrežu, prema evidenciji Javnog komunalnog preduzeća, priključeno je cca 5000 stanovnika, odnosno 1200 domaćinstava i 230 priključaka pravnih subjekata. Prigradska naselja i ostala naselja na području općine Fojnica nemaju izgrađen kanalizacioni sistem, a odvodnja otpadnih voda vrši se putem septičkih jama. Prikupljene otpadne vode se u ovom trenutku ispuštaju u rijeku Dragaču bez ikakvog prethodnog tretmana.

Zbog karaktera kanalizacionog sistema (mješoviti) na glavnom kolektoru je izgrađeno šest kišnih preljeva sa ispuštanjem u rijeku Šćona i rijeku Dragaču u cilju rasterećenja glavnog kolektora u cilju sprječavanja izlivanja otpadnih voda u objekte sa podrumima i teren.

U toku važenja stare dozvole za ispuštanje otpadnih voda u prirodni recipijent, JKP „Šćona“ d.o.o. Fojnica kao pravno lice kojem je dat na upravljanje kanalizacioni sistem provodio je monitoring površinskih voda recipijenta (rijeke Dragače) i uočeno je blago pogoršanje stanja voda u recipijentu kao posljedica tereta zagađenja kanalizacionog sistema. Za izgradnju separatnog kanalizacionog sistema urbanog područja Fojnice izrađena je projektna dokumentacija na nivou Glavnog projekta i Projektno rješenje postrojenja za tretman otpadnih voda (donacija Španske Vlade).

Tačka 5. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnim lokacijama ispusta otpadnih voda u prirodni recipijent a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac JKP „Šćona“ d.o.o. Fojnica ispunio minimum uslova za izdavanje vodne dozvole, kako je to regulisano članom 115. do člana 118. Zakona o vodama i članom 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Adnan Bašić, dipl.inž.grad.

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.grad.

Dostaviti:

- JKP «Šćona» d.o.o. Fojnica
Ul. Hadrovići bb, 71270 Fojnica
- Ⓞ AVP Sava, ISV – Vodna knjiga
- Sektor 50
- Sektor 40, arhiva
- oglasna ploča AVP – Sava